



重刊校正唐荆川文集序



吳之有文學舊矣諸樊為國斷髮之治未
變蓋方甚陋而公子札已能盡通易詩書
禮樂六藝之文以觀於中國則名卿碩士
有愧於其所知悅其說之博雅而慕之如
不及孔子教於洙泗來四方之學者則言
偃踰江蹈淮而往游焉卒以文學列於大

賢之科南方之精華為之盡發而孔氏之
道資其言之有文以行於遠至于今為烈
蓋其盛如此畫長江大湖以為國方地千
餘里林麓川澤之美殆不可數而光英冲
粹之所漸涵磅礴於其間二人而已雖其
甚盛而亦豈非難哉吾於二人讀其書觀
其言尚而友之而庶幾知其人於今所見
而及與之為友又得一人焉毗陵唐應德
也君於學蓋所謂得其精華其於言可謂
有文而必行於遠者也其文具在學者苟
讀焉而思思焉而有以得之則知其心之
所通於季札孰為淺深言之所成於子游
孰為先後有不可得而辨者矣君仕為翰
林編修復為

太子司諫皆以守道直己之志棄去不啻
弊蕪有吳公子輕千乘之國之節其文之
以禮樂得言氏之傳而廉隅操行必謹於
一介之取予剖果自斷不可以威武利祿
誘屈也尤足以闢夫媮懦憚事無廉耻而
嗜飲食之誚上下二千有餘歲之間吾謂
吳有文學三人焉不為過也季札之生其

國雖尚陋然先君端委之遺教猶存而子
游得仲尼為之依歸其成此非難也唐君
獨起於千載之後追二人者而與之並豈
不為尤難哉君行年四十其學將進而
止其為文將日益富而且精予之所見如
此已可傳也無錫安君如石子介慕君之
學得其所為詩文彙而刻之以與同好者

共安君之趣尚如此豈凡人之所及哉

嘉靖乙卯季春月望晉江遵巖居士王慎

中道思甫序

嘉靖乙卯書林

刊印行

重刊校正唐荆川先生文集卷目錄

卷之一

策

廷試策一道

卷之二

詩

游西山碧雲寺作得悅字此下係翰林時作

慶壽寺齋宿

寓城西寺中雜言五首

同孟中丞游龍泉寺二首

普濟寺同孟中丞作

秋夜

禁中遇雨

夜霽

十五夜旅懷

望太行

山行即事

泛黃河

息中山亭子

雨霽約孟有涯中丞遊山孟先出郭追之不

及

送焦提學往貴州

送李推官赴高州

送蔣藩幕赴閩中

休沐家居簡陳約之

送王生歸蜀

送何學官往金壇

送陳學官往福寧州

送莫生子良擢舉東歸

答陳編脩約之栢鄉見寄

送蔣尉赴金華

送程翰林松溪謫居朝陽四首

送孔上公助祭太學歸闕里時賜袞衣一襲

春夕皇甫膳部見過索觀鄙作留夜坐

輓張舍人二首

汲縣謁比干墓

中嶽

游嵩山少林寺

冬至南郊

奉天殿慶成侍宴

朝謁長陵

奉命分祀孔廟作

觀中州進賀長至表箋恭述時寓信陽

登孫登嘯臺

銅雀臺二首

嵩陽宮柏

詠天壇梅花

詠蛺蝶花

皇陵行

從軍行送呂兵曹募兵遼海

送朱建陽

送陳貢士刺上思州

滎陽行

金臺行

結客少年場行

歌風臺

同院寮觀閣中芍藥作

南苑

午日庭宴

遊龍門

龍泉寺對雨

永年公館夜宿

龍泉寺懷顧南田使君顧以公事不至復惠

酒助看山之興焉

詠崔後渠書屋

次見贈韻

題張學士仰宸樓樓藏賜書

題張學士陽峰卷

送張學士歸蜀省親

潞河別林汝雨提學浙江

送黃叅政赴陝右

送項膳部遷之南行兼呈劉祠部

送高行人使琉球

送王侍讀赴南都

送樊大夫會朝長至

送周雲卿之任通山

寄周中丞備禦關口

送施貢士子羽南行

送人上陵作

覽任少海吏部慶都留題悵然懷人因次其

韻

贈袁御醫芳洲

張相公壽詩

趙州懷古

呂翁祠堂

題劉蕡祠

朱仙鎮觀岳將軍廟

和陳編修約之禁中雪詩二首

詠夾竹桃

和詠霧中榴花

九月晦日釣州公館見菊

村居二首此下係前家居時作

村夜

同皇甫子循遊橫山二首

夜宿王氏莊

暮春游陽羨南山四首

同林尹遊會真菴

游馬跡山宿許道士房有贈二首

題閩泉川副使莊

謝病贈別高叅政子業

罷病歸訪王山人有作

送王良醫往岷府

贈春巖王尹朝京

送白尉往湖州

送胡主事權稅荊州

丹陽別王道思三首

夏日聽沈君彈琴詩三首

贈宜興張醫二首

次韻陳后圃

九月八日作

送真州蔣生至宜興親迎歸

送莆田方生自宜興歸應試

送林宜興遷官南部

題東石草堂圖贈黃松江

雙壽圖歌為段翁作

贈王君五下歲

題龍圖

山莊閒居

遊神墩寺次壁間韻二首

登墩

廣德道中

泊淮上作

淮上五日泛湖同蔣別駕世和

聞復官報寄京師友人

代東寄京中舊游

寄贈曾郎中再入禮部

家居贈別陳僉事約之

臨清十五夜東陳太史約之

贈陳僉事約之生日

崔鎮道中晚望懷陳約之

贈別義興林尹遷官

次韻贈施道人

寄題顧東橋侍郎載酒亭

送樊醫歸南昌

贈張地官督賦江南

贈南都莫工部子良夏至齋宿署中

送彭府倅進賀 聖節表

宜興舟中讀徐養齋詩稿因思奉別之久悵

然有懷二首

覽徐養齋見懷毛古菴及小子之作存沒感

懷和韻

和徐養齋移居二首

題贈施心菊盤士

贈江陰陳君

寄劉範東提學

題伯祖平樂守素齋翁像

和朱子學遷居

程副使輓詩

元夕詠冰燈

庚子歲海印寺再舉同年會紀事四首此下係春

坊時

得薛君所寄三游紀興刻中有楊方洲見懷
賦之作蓋別去已十餘年矣撫卷慨然用韻

奉答

送黃翠巖赴松江推官任

送沈君守寧波

送陸舍人調遼府長史

送王舍人往崑山為顧相公營墓

聞石屋彭君置生棺有感為賦四詩

寺中訪後渠崔侍郎不遇次韻

濟上別錢副使

點蒼山歌贈雪屏趙考功

李中麓八選藏書歌

詹府讌集奉和上宰松臯公三首

送王翰林浙江兵備副使

送鄒東郭掌南院

贈吳山人歸自京師

贈許太宰

宿双塔寺林東城羅念菴誤於郭外相尋不

遇有作見寄用韻奉答

卷之次韻贈湯將軍

卷之三

詩

自述此下係後家居時作

宿游塘書懷二首

題陳渡莊

岳亭遇盜次韻

病中試新茶

泊舟郭外有感

同褚徐二生夜過城濠水榭作二首

游永慶寺示諸友

題金山寺付僧惠傑四首

登常山山亭次壁間韻二首

過清溪莊值主人不在

題清溪莊三首贈顧副使

贈王山人

贈山陰陳千戶病卧毘陵三首陳故毘陵人

周蓮渠以詩問病次韻

載疊前韻二首贈蓮渠

贈郡倅綱運

送人赴真定幕

贈馮午山提學

贈吳賓湖

題徐君淵泉號

贈王思東號王君祖為中舍

贈熊南沙郡倅入賀

萬壽節三首

壬子陸褚二生赴試與之叙別二首

常山懷羅念菴

壽詩

董進齋壽詩

蔡南村壽 蔡泰伯里人瀛之父

壽王生革母

法慕菴六十

贈徐學琴六十

題孤山林隱居二首

岳將軍墓

吳江三忠祠

松關 蘇南雜詩為吳順山副使作

梅塢

筠徑

石丈

蒼翠亭

會遠樓

元陽洞

小虹橋

迎仙

禮星臺

靈芬精舍

山田

山池

茅亭

良友軒竹

聽鶯閣

已酉八月十六日觀潮作

賀金翁夫婦雙壽詩翁舉人子韶庠士子深

之父也

題贈喬僉事兼為乃翁封君壽

希周兄八十

題偶耕書屋送謝右溪西歸兼柬左溪

題夏中書畫竹

卓小仙草書歌

楊教師鎗歌

古鏡歌

我媚道人拳歌

日本刀歌

劔井行

陳渡草堂二首

小樓宴坐

又疊前韻

荏中作

自述

有相士謂余四十八歲且死者詩以自笑四

首

囊癰臥病作三首

瘡病作

小集為人所刊

靈芝寺同童元功宴坐

登屠翰林仍臺作二首

次人憂旱作

再遊清溪莊值主人不在次韻

至常熟陳中丞白訓道邀登福山看海二首

金澤寺中寄松江友人

松江金澤寺四首二首

天寧寺塵外樓四首

題湖上廢寺

題龍池菴三首

贈菴中老僧二首

贈黃子晦

寄周臺官二首

家居喜袁芳洲相過賦此為贈三首

次韻贈薛仲常

歲暮有懷諸子

贈張贛州致仕還吳次達夫韻

贈宜興王丞次韻

答朱刑部士南見寄

同萬鹿園宿工文菴次韻有贈

次葉師與諸友講書鍾樓寺聞鍾作

養病道院忽張君訪不值奉寄

答贈胡柏泉

送郭無錫擢南曹主事

夜歸陳渡草堂時新與諸子別去有懷二首
癸卯送仲弟正之赴試

巳酉送兩弟正之立之赴試

送諸從游應試二首

送馮子聲赴試

送褚生滔赴試

鄱陽別道友

中秋夜同陳澄江張夢麟城濠泛月

和張尚書甬川新修池亭奉母登憩作

贈蔣璞山封君

贈張通政

用韻自述

壽張通政

曹霜崖六十

司訓殷龍巖壽詩

楊醫士六十

褚怡閒六十

贈宜興閔翁八十壽詩

贈天寧寺僧八十

懷竹叔壽詩

楊醫士壽詩

翠峰上人挽詩三首

錢心漁輓詩

讀東坡詩戲作

雪詩和蘇韻十首

家僮野田携菊三首

海上凱歌贈湯將軍九首

南征歌十三首

塞下曲贈翁侍郎總制十八首

題贈段紫峰

秋日書容童君見過賦此贈之

題陳推官羅江號二首

題寶華和尚卷

贈玉和尚住善卷

自述贈寫真毛君

題畫

廉使廖東雩喪後開所惠地黄酒臨觴慘然

贈儀真沙君

贈史君漁沙號

華補菴惠酒奉謝三首

贈星士一江號
贈二首

目述并贈曹君

曉起觀猶捕鼠

卷之四

書

答張角川尚書書

又

答呂沃洲御史書

與王龍溪主事書

答王南江提學書

答俞訓導書

答戚南玄書

答王生宗道

與唐一菴書

與彭季山書

答姪孫一麀書

答汪生書

與宜興諸友書

答萬思節主事書

又

與顧箬溪中丞書

與裘剡溪推府書

與項甌東郡守書

與張士宜書

與陳后岡參議書

答屠漸山諭德書

與呂通判竹嶼書

與金令攝山書

與吳令峻伯書

與二弟書

與田柘山提學

與陳兩湖主事書

寄黃士尚遼東書

答皇甫栢泉郎中書

與蔡子木郎中書

又

答茅令鹿門書

與茅鹿門主事書

與莫子良主事書

卷之五

宋書

答顧東橋少宰書

答李中谿御史書

與周中丞論項守書

答江五坡提學書

答寥東雪提學書

與應警菴提學書

與應警菴郡侯書

與徐養齋尚書書

與呂沃洲巡按書

與李龍岡邑令書

答施海鹽武陵書

與鄭戶部書

與王蘇州南岷書

答王蘇州書

又

答蔡判官可泉書

與安子介書

謝歐陽石江巡撫啓

與歐陽巡撫書

與郭似菴巡按書

答舒雲川巡按書

與陳巡按遜齋書

與徐少初邑侯書

又

與王堯衢編修書

答周約菴尚書書

與賈鳳陽書

答殷生原學書

與劉三府寒泉書

答王遵巖書

與卜無錫書

卷之六

序

中庸輯畧序

明道語畧序

季彭山春秋私考序

巽峯林侯口義序

筆疇序

土君注握奇經序

江陰縣新志序

鄭君元化正典序

東川子詩序

前後入蜀稿序

山堂萃稿序

劔泉奏議集序

聲承集序

吳孺人輓詩序

禮部郎中惺母

卷之七

序

石屋山志序

贈彭石屋序

送太平守江君序

又

送彭通判致仕序 代府官作

贈竹嶼呂通判還郡序

贈蔡年兄道鄉序

贈宜興尹林君序

贈邑侯王春巖獎勸序

贈宜興令馮君序

送柯僉事序

贈郡侯郭文麓陞副使序

送李令擢戶部主事序

贈訓導丘君序

贈李司訓遷官臨安序

送陸訓導序

送第上人度海謁相音大士序

葉包庵先生壽序

薛翁八十壽序

雙溪羅君八十一序

李封君七十序代人作

陳封君六十壽序

陸慎齋先生壽序

書水西集

書錢遇齋先生高尚卷

書地理鶴岡况君卷

書王氏傳家錄後

卷之八

記

重修宜興縣學記

重修涇縣儒學記

重修瓜州鎮龍祠記

重修解州關侯廟開顏樓記

常熟縣二烈祠記

零陵縣知縣題名記

廣德州同知蔡侯政績碑記

鎮江丹徒縣洲田碑記

裕州均田碑記

建陳渡石橋記

華氏義田記

救荒滄記

大觀草堂記

西峪草堂記

任光祿竹溪記

永嘉袁君芳洲記

吳氏墓記

休寧陳氏墓廬記

吳氏石亭埠新阡記

叙廣右戰功

卷之九

晉齋說并跋

鄭氏三子字說

僧承基字說

續猫相乳說

銘

象梳銘

鏡銘

銅雀硯銘

鼎硯銘

半月硯銘并序

又

黑石硯銘

宛山石硯銘小引

方硯銘

方圓硯銘

小硯銘

又

斧硯銘

荷葉硯銘

贊

杭中丞雙溪像贊

丁近齋參政像贊

弘齋黃先生像贊

蔣雲壑像贊

王思東像贊

吳南圃像贊

吳南洲像贊

祭文

啓聖祠祭文

永州祭柳子厚文

祭萬古齋文

祭萬思通文

祭白洛原文

祭丘思菴文

卷之十

墓誌銘

僉事孫公墓誌銘

張運使墓碑銘

吏部郎中薛西原墓誌銘

吏部郎中林東城墓誌銘

唐郎中嘿菴墓誌銘

李郎中墓誌銘

卷之六 戶部郎中林君墓誌銘

知縣胡君墓誌銘

與國州同知徐公墓誌銘

訓導殷翁墓誌銘

趙府奉祀正王君墓誌銘

都督沈紫江生墓碑記

指揮僉事湯雪江墓碑銘

儀賓李公墓誌銘

封知府朱公墓誌銘

封知縣張翁墓誌銘

鈍齋吳翁墓碣銘

茅處士妻李孺人合墓墓誌銘

殷秋野翁墓誌銘

蕭孺人墓誌銘

盛孺人墓誌銘

楊孺人旌節碑銘

...

王母繆孺人墓誌銘

蔡母鄒孺人墓誌銘

賀氏孫楊二妻墓誌銘代父作

楊母唐孺人墓誌銘

吳母唐孺人墓誌銘

王冢婦唐孺人墓誌銘

卷之十一

行狀

月樓唐翁行狀

墓表

春坊中允方泉李君墓表

戶部主事陳君墓表

都察院都事秦君墓表

普安州判杭君墓表

按察司照磨吳君墓表

華三山墓表

莆田林氏先墓表

彭翠岩處士墓表

傳

周襄敏公傳

賜谷吳公傳

萬古齋公傳

李宜人傳

章孺人傳

俞孺人傳

葛母傳

卷之十二

雜著

讀春秋

鴈訓

書岳將軍題大營驛

書醫施氏婦事

瘞河壩枯骨志

書秦風蒹葭三章後

書王明齋卷

書丁近齋示孫卷後

數論三篇

勾股測望論

勾股容方圓論

弧矢論

御批

御批

御批

御批

是集因無錫板差訛太多乃

增削校正無差謹告四方

賢明士大夫君子須認此板金陵

重刊校正唐荆川先生文集目錄

終

重刊校正唐荆川先生文集卷之一

廷試策一道

御批 條論精詳殆盡

臣唐順之

臣對 臣聞保民所以格天也正百官所以保民

也振紀綱所以正百官也何則君者代天理物

者也百官者行君之令而致之民以共亮天工

者也百官弗正則下有倒懸之危而莫為之恤

上有子惠之仁而莫為之施而欲民之安也不

可得矣紀綱弗振則儉邪者或以矯飾取容循
良者或以朴魯見黜任者不必賢賢者不必任
而欲百官之正也不可
得矣故曰君得臣而萬
化行言安民在乎能官人也曰正朝廷以正百
官言官人在乎振紀綱也立法以任人任人以
安民則人心和而天地之和亦應矣于此見上
下交修之責焉見天人合一之理焉蓋自古帝
王敬天勤民以致天下之治者其要端在乎此
而不可易也我

皇帝陛下上畏

天變下究民隱

臨軒一詔于知人安民二者拳拳焉臣知

陛下此心即殷湯桑林自責之心也即

高皇帝仲夏不雨席藁露坐之心也臣雖至愚其于

官吏賢不肖與夫民生利病之原則草茅之下

嘗有感於中久矣况當

清問之勤敢不悉心以對乎臣謹稽之洪範徵之

春秋大抵政善民安則嘉祥生政荒民困則災

天以沴作天降災祥在德吉凶不僭在人

陛下敬一以昭事中和以立極宜乎休徵至而六沴

聖不消矣而顧有不可以常理測者蓋雖

天心仁愛欲以助

陛下宵旰之憂而隆嘉靖之治意者民之危苦無聊

所以感傷和氣者亦容有之乎

陛下蠲租以阜民財賑貸以周民急恤刑以蘇民命

天下之至仁也其為安民計者至矣親賢去奸

以別取舍行久任之法以圖治效天下之至明

也其為官人計者至矣而民未必皆安官未必

皆得其人者意者賢否倒置授任失宜勸懲未

著如

聖策所慮者亦容有之乎則夫振紀綱以正百官以

安萬民信不容緩也臣觀知人安民之謨始自

虞廷發之臯陶之告舜曰在知人在安民禹曰

知人則哲能官人安民則惠黎民懷之分之以

三德六德皆以廣知人之旨也詳之以惇典庸

禮皆以廣安民之旨也要之官得其人則善政

行而天下蒙其福官匪其人則橫政行而天下

受其害約而言之非二致也哲也者成其惠者

也知人非哲弗能知人而至於能官人則非紀

綱之振亦弗能也紀綱也者濟其哲者也雖哲

如堯舜而三載考績三考黜陟幽明內則九官
十六相以爲岳牧之倡外則四岳十二牧以任
總領之責規爲精密斯措有所寄而其爲措也
大矣措大而惠斯大矣仁急親賢知急先務此
之謂也勲格上下治底平成由此其致也是故
陛下欲弭災沴則莫若安民矣欲安民則莫若正百
官矣欲正百官則莫若振紀綱矣紀綱之所以
振者臣雖不能悉舉請得以其槩言之其一曰
精監司以察守令臣按永樂中

太宗皇帝諭蹇義陳瑛等曰爲國牧民莫切於守令

吏部選授皆出倉卒未能悉其才行必察所行
乃見賢否其令巡按御史及按察司凡府州縣
官到任半歲之上者悉察其能否廉貪之實以

聞臣願

陛下光昭大訓精擇監司或得於群臣之公舉或得

於

睿鑑之獨照必其風采素著秉節剛烈者而後任
之其旣也果能激濁揚清不畏強禦者量加旌
獎其徇私容奸及蔽賢不舉者量行黜責不但
以得官吏之賢否而因以爲監司之殿最監司

憚憲典之嚴孰敢不竭力於旬宣官吏恃監司
之公孰敢不勞心於撫字監司賢而守令亦賢
矣其二曰清銓法以彰黜陟臣按成化中大學
士丘濬議曰其風采臣美論臣而對臣
朝制三年天下官吏賚冊來朝六部都察院查其
行事未完報者劾奏之以行黜陟後因選調積
滯設法疏通之輒憑巡按考語不復稽其實迹
錄其罪狀立爲貪暴不謹等名以黜退之殊非
祖宗初意况貪者未必暴暴者未必貪素行不謹不
知何所指名何以厭服其心哉臣願臣

陛下修復舊典申戒銓司核功過勿循毀譽量才能
以責名實曰貪暴必指其爲貪暴者何如曰不
謹必指其爲不謹者何如則人不得飾名以求
功而亦不得巧文以避罪矣其三曰信賞罰以
激人心臣聞之有官而無賞罰是無官也有賞
罰而不足以奔走天下是無賞罰也今也循資
而擢之累勞而進之人將曰我資我勞固宜然
也富貴爵祿皆若其身之所自致而效報之心
薄矣奸吏浚財大刺於民而恒幸其不敢露也
不幸而敗露也則止以罷免而幸其不及於戮

辱也則徼幸之心滋而莫知懲創矣臣願
陛下離照旁通乾剛獨斷政績顯著雖待以不次之
位而不嫌於躡等貪汙有狀雖加以五刑之誅
而不嫌於傷恩或璽書勸勵如漢家故事以收
其全功或戴罪供職如吳越實錄出今出前
大誥中所以處置朝臣者以責其後效用不測之刑
用不測之賞以奔走天下而後可也其四曰信
命令以敷實惠書曰慎乃出令令出惟行易曰
渙汗其大號臣竊謂
陛下有卹民之美意而有司奉行未至也

陛下嘗下詔曰蠲租矣賑貸矣卹刑矣然有司之於
民也則徵催之苦極矣民之斃於饑斃於刑者
過半矣上德隱而靡宣下情迫而莫救凡以此
也臣願

陛下嚴慢令之戒重沮格之罪限某日至某所于某
日蠲租于某日賑貸慢違者必坐以罪而不少
姑息焉則庶乎不為虛文而民皆霑實惠也此
四者皆以振紀綱而盡官人之道以為安民之
本者也若夫除盜賊禦夷狄固亦安民者之所
當務臣以為其要亦在於得人而已夫民之為

盜賊者豈其本心哉迫於不得已或陷於不知耳故曰豐世無盜者足也治世無盜者化也陛下得良吏如龔遂如虞詡者而任之威信所孚則足以折其氣仁恩所被則足以結其心勸相有方則足以安其業盜賊不期息而自息矣天子有道守在四夷今之諸夷乘間竊發侵擾我邊陲虐劉我民人信可患也臣則謂所患者不在夷狄而在于我中國之無將耳蓋今之所謂將者取諸世胄取諸武舉非不可得人也惟統緒之習或未熟於經略弓馬記誦之材或未足於奇

正之變也臣請

陛下行蘇洵之說令大臣各舉所知勇而有謀可以出入險阻者然後嘗之以治兵寄之以邊障養其望專其任而良將可得矣將良則士練而邊備飭矣至於財充而食足此亦百官有司之事耳百官得其人則經理有道儲畜有方而邦之財可充歛散得宜補助以時而民之食可足要不足以煩

陛下也以此言之紀綱克振百官之所以正者此也民之所以安者此也

天心之所助順而反災為祥者亦此也抑臣猶有

望獻焉中庸曰為政在人取人以身則人固立政之

本而身尤取人之本也朱熹曰紀綱不能以自

立必人主之心公平正大無偏黨反側之私然

後紀綱有所係而立則心者尤立紀綱之本也

臣伏讀

陛下敬一之箴則于堯舜禹湯文武之心法而為知

人安民之要機者固自有在矣惟

陛下始終此心弗以隱顯異其功弗以久暫易其守

弗以宴安荒其志必講學以涵養此心必親近

君子以維持此心由是心純而賢才輔已正而

物自正將不待於慶賞黜陟之及其身而風聲

氣習之所加衆正遂彙征之願群邪沮窺睨之

心亦其勢之必至者矣故以之知人則其知如

神者也以之安民則其仁如天者也以之除盜

賊則如舜之玄德在上而寇賊奸宄者自消也

以之禦夷狄則所謂無怠無荒四夷來王明王

慎德四夷咸賓而禦戎之上策在乎此也即董

仲舒所謂正心以正朝廷正朝廷以正百官正

百官以正萬民遠近一于正而罔有邪氣干其

間者也即公孫弘所謂心和則氣和氣和則形和而天地之和應者也即劉向所謂衆賢和於朝萬物和於野而和氣致祥者也由是而三光全寒暑時天地位萬物育天不愛其道地不愛其實諸福之物畢致而王道終矣則夫知人安民以臻盛治又在

陛下此心轉移間耳臣不勝拳拳忠愛之至幸

陛下垂聽焉臣謹對

故禮部左侍郎薛瑄從祀奏議

陛下懋建皇極身作君師惠然留意理學之臣博採

於庶官之論欲以定祀典而彰潛德甚盛心也夫瑄之為人諸臣論之詳矣臣可無說也臣請折衷之祀典以答明詔可乎臣聞聖人之道有宗傳有羽翼蓋孔門身通六藝者七十人其德行稱者纔四人而夫子獨許回庶幾其三人又不與也一貫語之參賜而性與天道賜又自以為不可得聞則其精微之際心授心受毫釐不差者固亦難矣所謂宗傳者也然文學政事言語亦得與德行分科而居而皆不失為聖人之一體至於門人之辨之勇之藝聖人亦自讓以為賢於我也且曰自吾得某也而惡聲不入於耳自

吾得其也而門人加親是聖人與人之周也所謂羽翼者也此孔門人物之衡也亦後世論孔門從祀者之衡也如使必其宗傳而後可以從於祀也則顏魯思孟而下及於濂洛四三鉅儒而足矣雖七十子亦有在所略者矣而況於經師之口傳與王韓輩之疵而未醇者乎然且群然而俎豆焉則羽翼之故也故曰與其過而廢之寧過而存之至如瑄者以復性為究竟以持敬凝靜為工夫非聖人之道不以志而學非濂洛關閩之說不以尊而信雖其於所謂精微之際未知其何如也而歷其平生其肯於聖人者亦必

矣謂其為聖門之羽翼也復何疑乎此瑄之可附於祀典者一也臣聞衆心安定而成俗俗必有尚衆志鼓舞而成尚尚必有倡倡之者始之也祭之為言報也以報本而反其始也我朝理學彬彬乎盛矣然自瑄以前儒者猶泪於辭章事功之習而未有能卓然於道德性命之歸者也而瑄實倡之矣自瑄以後其有如瑄者繼踵而出乎未可知也其有能直接孔氏之心傳者出乎未可知也而瑄實倡之矣是則瑄其我朝理學之一闢也此之濂洛倡道於宋雖其所自得或有深淺而功則並之此瑄之可附於祀典

者二也臣聞之記曰凡釋奠者必有合也有國故則
否解之者曰國故云者若虞則夔伯夷周公魯
則孔子也此代各自釋奠於其代之人之証也而國
又自釋奠於其國之人之証也又曰春官釋奠於其
先師解之者曰若漢高堂生制氏毛公伏生也此漢
代釋奠於漢之人之証也故夔伯夷周公孔子雖不
能接世而生而高堂生制氏毛公伏生固亦非曠世
之所希有然而與於釋奠者代有其人則自建學以
來皆然未有空一代而絕無其人也又明興且二百
年弦歌之化暢乎遠近豎子皆知誦法孔氏而璧宮

之側至今無一人得俎豆其間者非所以鼓士氣而
彰聖朝棫樸之盛也元之世且推其臣許衡而從
祀焉我明乃無一人之幾於衡者其不然矣由此言
之苟爲聖人之徒者猶宜援而進之而况如瑄之真
可以羽翼聖門者乎如是而曰我國之故也而祀焉
以比於漢高堂生制氏毛公伏生許衡其亦可以無
愧矣乎况今之所謂祀者乃其偃然於累代群儒之
後而非如記所謂特祀以爲先師者也奚不可哉此
瑄之可附於祀典者三也臣聞周禮大司樂曰凡有
德者有道者使教焉沒則以爲樂祖祭於瞽宗瞽宗

者殷學也此學宮祀其能為師者之證也其爨器舍
菜而神之者乃其攝齋馨篋而師之者也瑄嘗督學
於齊魯而諸生翕然尊之曰吾薛夫子也故其時師
道之尊而庠序之飭始自齊魯而風於天下蓋在勝
國時許衡實為祭酒勝國時之能尊師道而作人材
者莫如衡而我朝之能尊師道而作人材者莫如
瑄其亦近乎樂祖瞽宗之義否耶此瑄之可附於祀
典者四也然或者謂瑄於六經少所著述宜不得與
從祀臣竊以為不然夫聖人所為作經者何也以摹
寫此心而已儒者求諸心而有得也是真能發揮六

經者也自古儒者說經之多莫如馬融其體切

心絕不肯為六經註脚者莫如陸九淵

陛下嘗進九淵而黜融則聖明照鑒固

行妙悟之實而不徒以聞見講解為

讀書錄且十餘萬言固濂洛關

也其為著述則亦已敏七瑄之

宋儒之賢若尹焞羅

所得夫知其與數

又以為不然夫

然自濂洛倡道

授受故其興起

立為難其連茹

崛起也不得不援

能耀芒而晨星相望

幽之義也安得牽彼以此乎

典者也故臣以為宜如御史臣瞻

昧死謹言

重刊校正唐荆川先生文集卷之一

重刊校正唐荆川先生文集卷之二

詩

游西山碧雲寺作得悅字

此下係翰林時作

端居滯文翰久與賞心闕出沐乘休豫尋幽展懽悅
涉澗俯潺湲攀巒面巖嶮邈哉神臯奧居然靈境別
夷峻疏深池塞坎構崇枕浴室盪陽泉冰井陰陰穴
躋險惕暝眩逶迤欣超軼密林嬉猿獮遠峰挂虹霓
宵看朝旭升晝見昏星列蔀豐光乍熹崖懸曜先晰
景會萬象昭跡睽百慮絕巖棲度可希從茲謝塵轍

慶壽寺齋宿

獨坐花宮月踈鐘報曉晴地超三象外人覺萬緣清
茹素分僧飯觀空入化城真詮今已悟寧畏毒龍驚

寓城西寺中雜言五首

金馬違朝謁雲林久卧疴堦寒鳴蟪蛄庭古蔭藤蘿
束帶知圍減觀書厭帙多無人來問疾獨坐似維摩
少年好踈懶遂與性相安經月常忘沐逢人或不冠
鼎裏金將化囊中玉可餐解言脫屣易豈憚拂衣難
緇塵坐自染白社偶相尋俗子慚玄度名僧即道林
三生空有偈五蘊本無心說法何須難忘言悟已深
誰言龍藏遠亦在鳳城旁塔湧金銀界筵開功德場

常明瞻慧月利涉藉慈航沉痾還能遣齋心奉藥王
秋來不覺早落葉忽已繁物化每相代吾生尚何存
微材同樗櫟僻地當丘園竊慕東方子一官堪避諠

同孟中丞游龍泉寺二首

山深人不到僊侶暫相從金馬聯驄馬晴峰映雨峰
竹嶼今棲鳳花潭舊伏龍方欣窺妙偈遽擬謝塵蹤
寶地風塵絕琳宮日月偏鴈來還繞塔龍去尚留泉
戶裏天花落空中梵樂傳遠師休禁酒客醉欲逃禪

普濟寺同孟中丞作

宛轉雲峰合微茫鳥路通閒來竹林下醉卧石房中

陰礪泉先凍陽崖蓋尚紅攀蘿探虎穴憇石俯鮫宮
上客思留帶山僧不避驄夜深清嘯發流響入寒空

又寒天秋夜

捲帷望秋月月皎心亦清牀下寒蟲響庭前落葉盈
漢陰鮮機械河上多道情一適萬事畢栖栖何所營

禁中遇雨

紫閣肅陰陰重門寒意深忽看百里霧來作九秋霖
灑道先清蹕露花度禁林楯郎方夾陛雨立濕衣簷

夜霽

秋月澄初霽退公方掩閨稍聞金柝動坐望玉繩低

巢鳥喧餘濕庭花落故畦羈人驚候變燈下理寒綈

十五夜旅懷

暫輟明光草言從洛下游塵沙兩河夕風雨二陵秋
鏡有潘郎鬢囊無季子裘更堪三五夜獨自下西樓

望太行

北望太行山嶽岑霄漢間倚天開疊障畫地作重關
車向羊腸轉人從鳥道還一為苦寒曲淚下摧心顏

山行即事

息馬依叢薄寒裳涉淺沙桃源無俗轍雲谷有人家
凍壑含朝雨晴峰聚晚霞相期白社裏共聽演三車

泛黃河

曾聞星宿海上與月波連西走昆侖坼東流碣石湮
魚疑入舟躍馬似負圖傳今日臨秋水望洋私自憐

息中山亭子

相傳昔人醉千日酒之地

日日塵沙裏深愁行路難孤亭自起曠過客暫盤桓
霜重飄梧葉雲輕度石欄不能千日醉幸托一枝安
雨霽約孟有涯中丞遊山孟先出郭追之不

及

碧宇陰霏斂青林曉霽分山中期共賞野外復離群
即擬追飛蓋猶疑隔片雲行行思無限寒葉落繽紛

送焦提學往貴州

書生非法吏猶跨五花驄山徭迎漢使海國被王風
俎豆夷酋識侏離譯語通爾鄉有名宦好去學文翁

送李推官赴高州

天子念南陲君才况抱竒祗將經飾律不以吏爲師
賈客多踰海居人半雜夷雖言持漢法謠俗自須知

送蔣藩幕赴閩中

結束千金劍辛勤萬里遊諸侯門下客才子幕中籌
風島鯨波湧寒城蜃氣收自公多暇日望海幾登樓

休沐家居簡陳約之

祇役趨東觀校讐良以疲偶乘青簡暇復與白雲期
任性形骸豁忘機鳥雀知裘羊何不至三徑坐相思
明經多不賤嗟子倦遊歸只解攀鱗易何言獻璧非
路難裝欲盡客久鬢將稀狗監誰相薦成都一布衣
送何學官往金壇

近來稱藝苑大率數江南作師君不忝問俗我能諧
家擅靈蛇寶人馳白馬談彬彬諸士子莫是出於藍

送陳學官往福寧州

陳生才亦竒年少舉宏詞自信五經笥堪爲一卷師

衣冠閩俗變文字海人知莫即傷淹滯三鱸更不欺

送莫子良擢舉東歸

漢庭方貴少羨爾早翻飛始應公車召旋聞駟馬歸
衝星看劍氣逼歲換貂衣想到還家日閨中爲下機
答陳編修約之栢鄉見寄

菟苑俱將命瓜期獨未歸忽傳千里札坐使寸心違
鬢髮行來變丹楓別後稀時時通遠夢恍是薊門非

送蔣尉赴金華

分野應星躔金華婺女邊微官君勿嘆福地古來傳
洞有成羊石山多釀酒泉即令不好飲猶得學神僊

送程翰林松溪謫居朝陽四首

窈窕玉堂仙
漂零瘴海邊
烟花違北署
鴻雁隔南天
水暗疑藏鱷
峰高欲跼鳶
應聞前席召
誰道去經年
天連窮髮國
地近卜雞鄉
禁闕心偏遠
關河望轉長
翻飛看鳳隱
消歇怨蘭芳
此路饒荆棘
思君欲斷腸
潮陽何所似
雲水日氤氳
白晝鮫珠落
青天蜃閣分
山魈迎客怖
海若識人文
瀟灑韓祠竹
清風今到君
南溟君汎棹
北地我驅車
忽作分飛鳥
深慚比目魚
啼猿三下淚
明月兩離居
嶺外梅花發
逢人早寄書

送孔上公助祭太學歸闕里時賜袞衣一襲

國喜嘉賓至
人攀上客行
來觀周室禮
去入魯王城
新袞山龍炫
餘堂金石鳴
聖朝稽古意
待爾示諸生

春夕皇甫膳部見過索觀鄙作留夜坐

蓬扉春色徧
栢葉夜筵開
愧乏凌雲賦
徒煩結駟來
踈鐘出長樂
明月照章臺
痛飲須投轄
何言興盡回

輓張舍人二首 閣老羅峯之子

少小侍中郎
人稱張辟彊
方隨雞樹息
忽是鳳毛亡
劍歇雲間氣
珠沉掌上光
一經何所託
重爲相君傷
象賢超世胄
服禮並文儒
共羨昂霄鶴
翻悲過隙駒
藏舟人事盡
賜履帝恩孤
太息張公子
衰榮遂爾殊

汲縣謁比干墓

下馬登丘隴藜林曲隧通碑因元魏樹地是有周封
酒散荒池上人行秀麥中故宮無可問徒此對松風

中嶽

巫閭控北戶葱嶺奠西隅茲地陰陽合中天洞壑孤
黃樞標正位紫氣護真圖近接浮丘宅深藏軒后符
䟽峰連太乙列館象清都園宮猶漢築馳道尚秦除
肅肅泥書秘森森羽蓋趨僊遊微見迹帝幸暗聞呼
露洗千齡栢霜封九節蒲星榆臨砌發月莢應時敷
將訪三山記猶迷七聖途今朝陪廣樂直擬到方壺

游嵩山少林寺

淨域龍巖上香臺鷲嶺邊山由巨靈闢教以法王傳
二室圍蘭若三花接梵筵土中元此地檻外即諸天
複岫低衡岱迴軒寫澗瀝雲衣披雜樹虹影度飛泉
綴牖皆青壁緣堤盡白蓮神猿參講幕馴鳴荒爐烟
慧月秋逾徹泥珠夕更鮮谷將鍾逆響潭共鏡爭圓
萬劫終成幻三生併是緣願假金篦力一爲照迷川

冬至南郊

明王敦大報泰時禮神君位以南離正宵從甲子分
月臨太乙館星動羽林軍除道疑登岱鳴簫異度汾

聲容六變合海嶽百靈紛封檢微題字屏帷悉畫雲
神光人共見天語帝親聞盛跡誰能賦多慚扈從群

奉天殿慶成侍宴

饗帝在仁人郊雍景命新方看受釐日即是賜脯辰
警蹕誼黃道衣冠集紫宸宰夫稱燕主蕃國備王賓
鵷鷺千班序魚龍百伎陳鈞天初聽樂玉食共分珍
禮厚過三爵恩均洽四鄰小臣叨醉飽拜舞祝千春

朝謁

長陵

赫赫我文皇恢恢廟筭長定鼎憑天險因山作地藏

三泉疏鴈海萬壑轉龍荒雲結蒼梧色峰成金粟岡
寢園馴象守松栢孝烏翔清蹕傳虛谷靈旗隱洞房
遺弓仙馭遠上食總惟張臣生良已晚幸此拜冠裳
奉命分祀孔廟作

後聖禮先師斯文今在茲將陳百官富詎止一牢祠
入室瞻遺器園橋展盛儀樂堪三月聽奠想兩楹時
執鬯元公肅捧璋髦士宜鄙儒叨小相端甫奉前規
觀州中進賀長至表箋恭述時寓信陽

子月開周正朝宗協禹方諸神將受紀四海共迎祥
望日扳仙仗呼嵩繞御床天威臨下國星使入明光

彤管書雲物黃鍾獻樂章欣逢陽道復願祝帝圖昌
晉時肥遁士長嘯此山陰自遠龍蛇跡能爲鸞鳳音
清淨同河上沉冥異竹林坐超惟默理妙契守雌心
逸駕應難返荒臺尚可臨俯看恒衛水遙見太行岑
砌冷踈花發扉扇落葉深寧知千載後更有阮生尋

銅雀臺二首

玉盃從茲闕銅臺空自寒分香留故愛同輦罷新懽
急管銷魂易輕絲續命難何因作雲雨彷彿夢中看
漠漠龍髯遠飄飄總帳空自憐妾薄命不得奉君終

望幸非前日棲靈是舊宮翠襦霑露薤露錦瑟入松風
鸞鏡時猶照蛾眉歲不同誰能更歌舞心折望陵中

嵩陽宮栢

乃漢武帝所封將軍栢

嘉樹植崆峒年長勢更雄已無秦帝幸尚有漢皇封
幹比孤生竹根猶半死桐靈泉玉女灌甘雨嶽神通
葉密鶯難度枝樛葛易蒙垂陰九華帳弄影五雲宮
色掩重巖翠聲含衆竅風賓來虬蓋偃仙去鶴巢空
非因不材壽春秋自無窮

詠天壇梅花

名卉來南土奇葩曜上方花遲疑避雪葉早爲迎陽

靈液滋玄榦仙雲拂素裳無言恒歛笑不謝暗飄香
夕伴芝房月朝承菟苑霜飛窺玉女鏡舞撲羽人觴
擬結千年實先呈五出粧帝羹如可和持此奉明光

詠蛺蝶花

蜀地羅栽就蜀有蛺蝶羅漆園夢始通何言金翅色翻在
碧林中未辨道遙影爭矜點綴工採香蜂趁侶啄蕊
鳥銜蟲易濕緣多粉難飛詎少風美人笑來撲誤使
損芳藂

皇陵行

皇陵鬱鬱標淮甸泗上諸峰盡相面衣冠月出鬼前

驅劍璽書扃人不見銅井沉沉碧砌寒綵霞隱映紅
闌干碧砌紅闌松栢裏迢迢複道中天起石馬陰嘶
萬歲訕雲靈風暗捲長淮水深山大澤兩纏綿白虎
朱雀紛後先日精月華相廻旋元氣氤氳幾百年憶
昔元朝赤縣裂爭雄逐鹿俱豪傑一朝此地黃龍飛
螭鯢鯨鯢徒濺血已聞

帝王自有真更說南陽多貴人戈矛貔虎三千士礪
帶河山十八臣江左金陵扶地軸漢家豐沛還湯沐
復戶蠲租父老歡重門列戟園陵肅羽騎千屯護王
魚鬣封數仞堆金粟

御碑突兀表劬勞百里無人敢樵牧流傳八葉到
神孫孝敬先知重本根伏膺烝嘗時不後清明寒食
更澆酒貂褕中使日焚香豸黼詞官夜朝斗新遣樵
臣歲祭
君不見驪山北邙盡秦蕪五陵佳氣空模糊壯哉茲
陵從古無天長地久垂鴻圖

從軍行送呂兵曹募兵遼海

匈奴十萬入雲中烽火照耀甘泉宮戰士三春不解
甲天王一怒欲臨戎追奔盡選流星騎併敵齊分明
月弓虜氣憑凌恒候月漢兵超忽若乘風已聞舊戍
黃花口復道新屯細柳中飛沙颯沓迷亭障組練續

紛皆北向赤羽朝徵六郡材白茅夜拜五丁將呂郎
磊砢似劉生許國從來氣不平匣裡雄韜藏豹變腰
間寶劍作龍鳴勅散萬金收猛士身騎匹馬出長城
鴈行暗結遼西陣魚貫晴開海上營誓同魯仲能飛
箭豈學終軍漫請纓建節行行通大漠檄書馬上時
能作瀚海連雲太白高燕然雪照旄頭落知君意氣
坐相邀五百神兵集一朝漁陽突騎蛇矛銳幽并俠
客鐵驄驕車上磔人常賈勇帳前戲稍屢爭標共道
百年胡運息直教一戰虜塵消歸來奏凱獻
天子功名絕勝漢班超

送朱建陽

故人三十北上書行到薊門曾棄繻故人今去薊門
道雙綬垂腰一何好道旁桃李爛春晴可憐仙令看
花行殷勤斗酒與君別落花片片如飛雪昨歲春花
滿薊門垂楊陌上始逢君偶然傾蓋輸情素交歡每
會披雲霧春來春去能幾時聚散匆匆各自知把袂
追攀情未已爲問閩中幾千里武夷之山天下竒翠
壁丹崖共蔽虧可但王喬多道氣應傳滄岳有新詩

送陳貢士刺上思州

陳生磊磊衆所羨十年不遇當彈劍本期談笑取公

卿豈意逡巡向州縣憶從少小負才華飄飄逸思凌
綵霞謝朓詩篇差可擬子雲筆札焉足誇終然獻玉
遭雙刖安事讀書盈五車竭來奔走長安陌人世紛
紛笑落魄高歌白石無誰知用盡黃金徒自惜富貴
浮雲不可求且復低眉從薄遊南望桂林雲氣深瘴
雨蠻烟多毒淫不辭炎海千重路試取冰壺一片心

滎陽行

滎陽軍壘高嵯峨楚漢之戰何其多已向駸倉奪芻
粟還臨鴻水割山河大小一百一十戰組練崢嶸如
閃電存亡呼吸那可主客縱橫忽然變英姿烈烈

紀將軍志不可奪身可焚城西夜半赤帝走獨載黃
屋開東門漢家社稷蕭曹力殺身衛主誰能識君不
見丹書白馬勒元功吹簫屠狗俱開國

金臺行

君不見七雄割據勢相均得士者富失士貧燕昭信
義明日月不惜千金買駿骨郭卿談笑吐深謀海內
賢豪競馳突就中樂生尤絕竒按劍魏朝人豈知一
朝遇主同心腹親屈君王為推轂指麾燕兵百餘萬
蹴踏齊城七十六于今六合無并吞寂寞古臺空復
存少年未上麒麟閣且學陸沉金馬門

結客少年場行

長安少年膽氣粗生來耻作轅下駒買交不惜千金
產使氣能拚七尺軀採丸夜入平陵郭走狗時過渭
水隅朱門傾蓋爭言晚白首同心不願餘俠士由來
重然諾一言妻子堪相託魯國朱家不學儒洛陽劇
孟偏能博別有侯王勢絕倫薨薨甲第接天闥蕭朱
自倚金貂貴班許元稱肺腑親青牛翠幃朝朝合錦
瑟朱絃夜夜陳門下俱為驚座客堂中皆是報恩人
當時顧盼生光彩自矜意氣長無改何言榮耀有沉
銷雲散星分在一朝舊客誰過竇車騎新知盡入霍

嫖姚始知富貴多親故始知貧賤常辛苦他年北闕
競彈冠今日南山空射虎積薪前後遞相踰一死一
生交態殊獨有子雲甘寂寞閉門自草太玄書

歌風臺

我來擬上歌風臺豈意臺空只平地琉璃古井亦崩
塌斷碑無字苔蘚翳當年此地說豪華富貴歸鄉多
意氣紛榆社裏列黃麾泗水亭前張赤幟里中父老
競來窺昔日劉郎今作帝共談疇昔帝一嘆季固大
言少成事推牛張宴里開空進錢今日幾萬計坐中
只帶竹皮冠衆裡長呼武嬪字酒酣擊節帝起舞樂
極歌殘更流涕游子誰不悲故鄉萬歲吾鬼猶樂沛
賜名此朕湯沐邑世世田疇免租稅風起雲飛又一
時往事蕭條復誰記樵人不識斬蛇藪行客還歸貴
酒市臺下黃河盡日流瞬息人間幾興廢

同院寮觀閣中芍藥作

西掖衡連翡翠城籠煙裊霧百花明祇謂紫薇初吐
萼忽言紅藥已敷英紅藥葳蕤艷盛陽萬年春色在
文昌寧同鄴下芙蓉苑詎比洛陽桃李場栽成異辦
千般錦結就同心一樣黃金閣披時渾是畫綺樓臨
處并凝粧濯枝故向鳳池上裊露偏依仙掌傍仙掌

嶙峋對鳳池詞郎待直鷺鴛齊玲瓏玉珮花間映颯
拽羅衫葉下迷花間葉下情無極含笑含嬌似相識
羞將雞舌鬪馨香欲取鷄冠並顏色翠幕分看態轉
新朱闌斜倚不勝春未採孤根助靈液聊持芳蕊贈
佳人

南苑

秦園盧橘標炎節漢苑蕞荷駐羽旂雲氣自依雕輦
集星辰故統盡梁飛林行草木皆成隊水戲魚龍各
合圍更取薰風調曲奏已看暘谷藉光輝

午日庭宴

南薰應律轉朱旗火帝乘離錦席披榴吐千花承羽
蓋真開五葉拂瑤墀冰盃錯出仙人掌金縷遙分織
女絲復道龍舟方競渡銜恩共許向昆池

遊龍門

龍門業截拂雲迴鯨浪滿奔動地來一片飛泉千仞
落百重疊巘五丁開水同瀝澗縈天邑山接嶠函鎖
帝臺勝槩依稀似禹穴好奇徒愧馬遷才

龍泉寺對雨

西山爽氣朝來歇倏忽玄陰滿四陲雲裡樓臺翻借
色雨中花樹更多姿飛虹弄影搖丹嶂瀑水分流射

綠池坐覺禪宮倍幽寂憑欄把酒正相宜

永年公館夜宿

棲遲異域南冠客嘹唳長風北鴈聲靜院無朋休對
酒高樓有女獨鳴箏霞光曉伴銀河落露氣宵含玉
樹清古往今來成悵望叢臺孤月向人明

龍泉寺懷顧南田使君顧以公事不至復惠

酒助看山之興

琳宮窈窕碧峰隈歷盡巉巖更上臺不見踏花驄馬
至虛看送酒白衣來山中泉石誰相賞天末烟雲望
屢回聞道使君能愛客習池還擬接仙杯

詠崔後渠書屋

碧山學士隱墻東叢菊蕭蕭卷幔中開逕自須同蔣
詡著書元不愧楊雄分畦粳稻清溪注對戶峰巒翠
靄通未許棲遲三畝宅還應密勿五雲宮

題張學士仰宸樓樓藏賜書

瀛洲別館切清虛詔賜綈緗出石渠秘典自驚墳索
上祥光遙映壁奎餘簷前烏冪疑翻字草際螢來為
照書借問鄴侯三萬卷何如今日沐恩殊

題張學士陽峰卷

陽山秀色滿南州薜荔叢生楚客遊三峽猿聲偏入

夜千巖楓葉早知秋
僊人結宅雲烟近
太史藏書洞壑幽
便欲焚魚應未得
共言

明主待謨謀

送張學士歸蜀省親

曳履暫違金馬署
承歡遙入錦官城
欲從狄相雲間望
却向王陽道上行
旌轉層峰朝雨色
舟迴極浦夜猿聲
到家已是初冬候
聞道林中笋又生

潞河別林汝雨提學浙江

君去會稽何日到
諸生湖上待花驄
定因立雪知游酢
不獨傳經似馬融
行載圖書邀海月
坐移帆舸信

江風剡溪見說好
山水苦欲相從柰轉蓬

送黃參政赴陝右

黃子風流世絕倫
翩翩江海謫仙人
紫薇開府勞分陝
白馬乘春遠入秦
三輔烟花迎使節
五陵豪傑望行塵
丈夫得意應如此
誰笑蹉跎白髮新

送項膳部遷之南行兼呈劉祠部

春流瀾瀾碧波深
送遠其如南浦心
魏闕幾年叨結綬
江臯千里惜分襟
君遊白下貪雲卧
予滯金門笑陸沉
郎署故交如問訊
邇來惟有越人吟

送高行人使琉球

天王玉册頒三殿漢使星槎下百蠻鬼国至今通象
貢樓船何處度龍關海迷南北惟憑日雲起蓬壺忽
見山壯志不愁經歲去安流應是計程還

送王侍讀赴南都

玉堂學士賦南征躍馬鳴騶出上京奉詔明光新佩
印校書天祿早知名石頭城下春流滿白鷺洲邊芳
草生此去周南異留滯看君到處即蓬瀛

送樊大夫會朝長至

中宵緹室吹葭管候曉玄堂駕鐵駟
天子迎陽䟽玉戶群方獻壽拜金函預占黃道卿雲

見漸覺朱城淑氣含擬欲從君觀盛典使星猶自滯
周南

送周雲卿之任通山

湖南此去意何如綠浦清楓萬里餘地僻且看衡岳
雁官貧豈食武昌魚千家鑿井分江水幾處開田傍
石渠由來撫字惟良牧

天子他年有賜書

寄周中丞備禦關口

牙旗高建白羊東鼓角殷殷瀚海空雪後錦裘行塞
外月明清嘯滿樓中幕南五部思歸義薊北諸軍盡

立功燕頷書生人共羨一朝授筆去平戎
送施貢士子羽南行
何用相逢歌莫疑感君落魄不勝悲長鳴自許驂駟
並高志寧求燕雀知已道群公能倒屣也應

天子幸同時金陵樓閣秋雲裡肅肅遙瞻鴻漸儀

送人上陵作

玉園霜露向秋澄節序初臨祀事興恭將圭璧朝群
帝遙奉馨香薦五陵祠壇耿耿神光下路寢熒熒燎
火升宣室于今敦孝感還歸早慰聖情疑

覽任少海吏部慶都留題悵然懷人因次其

韻

帝京冠蓋同遊日曾忝聲名李杜齊碧樹不堪思遠
道綵毫何意覩新題書傳劔閣鴻猶阻月滿燕關鵲
未棲尊酒論文那更得暮雲回首雪峰西

贈袁御醫芳洲

家本東南海上村翻因避世向金門熊經自信窺真
訣鴻寶還將獻至尊鳴佩偶隨供奉侶下簾長對道
家言山人不厭少生事種橘年來滿故園

張相公壽詩

惟中運策九州清共說留侯在漢京賜第近連平樂

觀入朝新給羽林兵儒生東閣承顏色首長西蕃識
姓名却望上台多氣象年年長傍紫宸明

趙州懷古

千秋霸業消沉盡風俗猶傳趙武靈市上美人揮錦
瑟場中俠客舞青萍鴈門北去通沙磧鳥道西來入
井陘欲向平原訪公子蕭蕭賓館戶長扃

呂翁祠堂

世所傳邯鄲夢者也

呂翁祠堂漳水曲高秋爽氣何飆飆松間隱隱鳴仙
樂簷際時時駐彩雲浮生一夢誰能度羽客千年不
可群未湏白首牽朱紱欲向丹丘訪赤文

題劉蕡祠

歲暮江山搖落時客來下馬入荒祠獨傷往事堪流
涕欲問遺墟不可知璧玉無因終易棄龍鱗有逆竟
難披今日登科還我輩對君顏厚更何辭

朱仙鎮觀岳將軍廟

丹青畫壁閃旌旂想像勤王轉戰時黃屋未歸南狩
駕金牌已罷北征師平蕪漠漠前朝曠野陰陰暮
鳥悲惟有西湖原上樹春來猶發向南枝

和陳編修約之禁中雪詩二首

建章今日滿清輝朔雪繽紛應候飛忽飄九陌從風

散漸積千門待日晞素影偏搖宮女扇輕花欲上侍
中衣最是相如能獻賦霑恩新向菟園歸

靄靄同雲覆帝畿銀宮玉宇特相宜飛花遍入披香
苑積絮微消太液池三署曉光疑劍佩九門寒色映
旌旗亦知

聖主揮天藻不羨周家黃竹詞

詠夾竹桃

海南有桃枝竹故首句云云

桃竹舊傳生碧海竹桃今見映朱欄春至芬香能共
遠秋來花葉不同殘踈英灼灼分藂發密蕊菲菲對
節攢不信千年將結子錯疑竹實待棲鸞

和詠霧中榴花

仙曹飛霧曉氤氳幾樹珍花望不分纖萼蒙茸俱襲
錦高枝撩亂稍披雲初疑葉上緇塵染轉覺叢中淑
氣薰為問江頭歌絳采何如玄女裊清芬

江淹石榴
贊曰紅花

絳采

九月晦日鈞州公館見菊

天涯已逼三冬候客舍仍開九日花無那繁香經雨
歇獨看踈蕊向風斜冷英實有騷人興送酒虛疑陶
令家想像故園搖落盡倍令遊子惜年華

村居二首

此下係前家居時作

偶然灌園興不是學於陵醉卧松間月行攀巖下藤
睢于竊自愧押闔又無能惟應白社裡談笑共高僧
山人頗好事蓬戶掩還開四野綠禾滿三秋白雁來
授衣裁短褐飲蜡獻新醅即此堪投老栖栖竟何哉

村夜

纖月生西浦流光照北林群喧一以息百籟相與吟
始悟在園裏能生清淨心悠悠何所嘆獨坐撫瑤琴

同皇甫子循遊橫山二首

曲磴行來盡松陰轉寂寥不知茅屋近却望石梁遙
葉響疑聞雨渠寒未上潮夫君軒冕客此地欲相招

常時思獨往坐爲塵事攬幸接金門客相攀桂樹榮
峰微片雲度谷靜衆禽鳴何年將結社與子共逃名

夜宿王氏莊

微月掛孤壁四山何悄然因穿蘿徑去忽造竹林邊
叢木深寒氣平蕪淡野烟徘徊興復盡還就茅齋眠

暮春游陽羨南山四首

清谿知幾曲惟見白雲深一入薜蘿徑欣聞樵採吟
春鶯未停轉夏葉始繁陰乘此縱長嘯悠然物外心
洞口石縱橫流泉復有聲柴門何處入雞犬自相迎
靈草知昏曉時禽識雨晴非因罷官久誰得此間行

到處暗杉松多言路不通却從青嶂外轉入綠園中
谷口逢茶女溪邊狎釣童勿嫌踈散甚吾亦是愚公
花落已成蹊村村綠葉齊一園通蝶戲千嶂隔鶯啼
澗草多名蕙山人舊姓嵇窮歡猶未返忽是夕陽西
同林尹遊會真菴

言尋仙子宅窈窕傍清溪望氣行應近穿雲路屢迷
人閒多戲鹿樹老更棲雞願得使君姓留將石上題

游馬跡山宿許道士房有贈二首

獨住水中央言修不死方開簾見白鳥隔院度清香
機息何妨奕神全可却糧偶來分半席遽使世情忘

四週環積水信此羽人居鳥下忘機後猿窺搗藥餘
閒尋漁父伴自註道家書笑我勞生甚逍遙爾不如

題閻泉川副使莊

閻侯貧已甚尚有種瓜田潭巖相映帶農圃與周旋
刈秫盡供酒賣蔬時得錢躬耕豈不苦所貴無牽纏
謝病贈別高叅政子業

逝將歸舊林復此別知音縮魚慚分薄解劍感交深
目送三河使身分十畝吟從茲一相失長嘆隔飛沉
罷病歸訪王山人含真

二與山翁別年華每自傷還因解龜後重問養雞鄉

羅薛窓中影鉛砂枕上方鴻蒙常不語何以答雲將

送王良醫往岷府

獻方曾待詔何事向江干帝側無人薦王門且自安
青楓連遠道白首寄微官莫惜囊中秘淮南欲合丹

贈春巖王尹朝京

赤縣神明宰如君最少年無言似桃李有志笑鷹鷂
得暇即開卷長貧不受錢此行人共羨名在御屏前

送白尉往湖州

君家太湖北作吏太湖南驛路雞鳴近山城樹影含
萬川疏沃野百室競春蠶幸此猶吾土微官也自堪

送胡主事權稅荊州

南州饒齒革此去豈徒然言徵山海賦用助水衡錢
井邑千金市江門百丈船錐刀未可筭寬大見君賢

丹陽別王道思三首

久已廢逢迎蕭然世外情因君訪茅屋相送到江城
遠岫雪中綠寒流冰下行可堪此時別獨自返柴荆
卧病不知久見君三徙官還將鵲冠賤來伴豕衣歡
秉燭驚宵曙同衾屬夜寒平生學禪寂猶自別離難
書生多落魄羨子最逢時繡服官方顯青衿職所司
鑄人稱道術倚馬見文辭徒抱彈冠意迂踈自可嗤

夏日聽沈君彈琴詩三首

山居足清賞獨恨不能琴偶接青谿客因聽白雪音
寒暄乍翻復立壑轉深沉誰道嵇中散風流更可尋
知君技入神一歇一番新撥處疑非指聲中似有人
空山鳴落葉暗水躍潛鱗何獨吹簫客能生陰谷春
忽聽使人驚空山迸一聲能令草樹裏齊作秋蟲鳴
暫與松風遠還同石磴清曲終人欲散纖月照南楹

贈宜興張醫二首

翛然一逸民山郭往來頻乞藥從貧士傳方自異人
草間收伏菟澗畔煮香蓴嘆息市中客誰知百歲身

生長白雲巖仙書宿所採千金方不惜百草味俱讀
採藥行山外藏身住市南獨抱文園病逢君試一談

次韻贈陳后岡

昔日京華居同君直玉廬蛾眉寧見妬樗散自知疎
佩印紫薇署垂綸滄海魚為農吾已矣作吏子何如

九月八日作

日日閉門坐今朝復如斯窓中見風雨始知重陽期
海燕已辭主黃花未滿籬余心久委化何用惜良時

未敢少送真州蔣生至宜興親迎歸

相門甥館得才郎文藻翩翩貌復揚十年久著鳴金

賦一笑今游射雉場江南江北路非遠幾月辭家猶
未返他鄉芳草自相留今夕佳期未爲晚歸去春洲
漲綠濤滿川桃李送蘭橈若使長江作天漢應言仙
女度星橋

送莆田方生自宜興歸應試

聞君誦詩滿三百十年落魄常自惜書生只是數多
奇俗子空朝玄尚白那能環堵事窮愁乘興飄然賦
遠游荆溪山水清且美屢月貧歡猶未休荆溪茂宰
君妻弟思君不謂君能至山坳水曲日追隨相對運
忘鄉土異君不見荆人刑足售良玉好醜由來隨
俗期君此去早揚眉一戰能亡三敗辱

送林宜興遷官南部

移家偶愛山中靜地主何煩重相敬吾生耻學茂陵
郎如君豈是臨卬令誰言陋巷不容車勞君擁蓋常
造廬誰言簿書日紛糾勞君爲我頻置酒五月清溪
暑氣微淹留竹裏共忘歸乍看朝霞初冒嶺忽驚夕
露欲沾衣清才自合翻飛早一朝西上金陵道請君
別後數寄書山中相識日應少

題東石草堂圖贈黃松江

連山斷若缺一溪百餘折古松三四株爪秃骨半枯

聞道閩山乃有此誰將輦載來東吳松江太守好靜
者迹在風塵心在野苦欲還山未得還故託良工爲
摹寫太守昔年卧茅荆日日看山無俗情醉來向東
拜白石誓與此石同死生豈謂金門被羈束復向名
藩分虎竹橫金衣錦世無比太守只言非所欲乃知
碧山不負吾駟馬高盖胡爲乎有時吏散重門閉焚
香獨隱烏皮几披圖相對一莞然不覺逍遙數峰裏
樵人漁子似相識手招兩鶴勢欲起扁舟却在窓戶
間便欲乘虛泛清泚真邪假邪何足問世間萬事亦
寄耳

雙壽圖歌爲段翁作友人鏞父

是誰寫此大椿樹爪牙縮張相攫吞輪菌偃塞據絕
壁氣凌萬木皆兒孫似鼻似口挺竒幹半枯半嫩蟠
靈根千年神物照魑魅滿山精恠爭崩奔樹上懸泉
始一線飛洒樹裡成千片匡廬瀑布不可尋忽向今
朝眼中見立石復似五老峰雲氣模糊露頭面可憐
此樹與雲石蒼然一色誰能辨石間異草何其多紫
芝伏兔森交羅仙萱自是百草長緋葩翠葉呈婀娜
上承老樹賴嘉蔭亦如松柏掛女蘿蕭然相伴歲月
晚長養齊霑雨露和吾鄉段翁住東郭夫妻七十髮

未禿翁家猶子擅丹青手揮絹素為翁祝一枝一莖
亦有情五百春秋遞相續請翁披圖應自笑形固可
使如槁木

贈王君思東五十

君家城市裡終歲常閉關青松白石滿庭內不許俗
人相往還看君本是山澤臞年來戰勝身亦肥但道
龐公堪自老何須遠瑗更知非

題龍圖

世人畫龍得龍皮叔也畫龍得龍髓當其停手凝思
時青天颯颯生風雨却怕三年不點睛那知一日飛

騰去

山莊間居

身名幸自謝籠樊白首為農誓不諉慣住山中知鹿
性數行樹下識禽言巾車每許鄰翁借書帙問同道
士翻醉後漸看松月上滿村雞犬寂無喧

遊神墩寺次壁間韻二首

新雨郊原草木柔葛巾黎杖此尋幽藤垂小徑蟬聲
滿苔合荒庭鳥跡留隱几翻經聊習靜憑高望遠一
銷憂相逢更是烟霞客携手同為汗漫遊

古藤千尺猶自柔布葉垂陰滿院幽楓樹暗隨清磬

響山人欲去白雲留談玄幸有飡霞侶違世已無食
肉憂不識老僧蓮社裏可容携酒日來遊

登墩

此墩可望茅山

藜竹裊裊迎風柔古墩掩映清湖幽斷烟白鳥雙洲
遠落日青山半景留耳聽鳴蟬知換節坐移芳草覺
忘憂興來更望華陽頂想見仙人駕鶴遊

廣德道中

蒼山百轉見炊烟茆屋高樓古樹顛細雨薜蘿侵石
逕深秋稷稻滿山田雲中望影迷遙岫草裏聞聲覺
暗泉倘遇秦人應不識只疑誤入武陵川

泊淮上作

楓林望盡見蒼山桐栢飛流入楚關潮散海門孤島
出月明渡口數帆還客夢祇驚青瑣遠滄波長羨白
鷗閒聞道淮南多桂樹朝來杖策一相攀

淮上五日泛湖同蔣別駕世和

青蘋裊裊漾微風輕舸逍遙暫此同客裏綠蒲驚節
換尊中清酒覺愁空一徑荻蘆行不盡數洲魚鳥戲
相通向晚前川簫鼓發猶疑風景似江東

聞復官報寄京師友人

姓名不復挂朝參魚鳥由來性所耽篋裡符經都已

廢山中藥草漸能諳
踈狂自分三宜黜
懶病其如七不堪
深謝故人推轂意
莫將陽羨比終南

代柬寄京中舊游

莫須彈鋏嘆無魚
自愛山東構草廬
雨後亂蛙生敝竈
秋深落葉伴閒居
身隨老圃偏能慣
論學潛夫愧不如
故人休訝無相訊
中散從來懶作書

寄贈曾郎中再入禮部

文昌秘省倍光輝
傳道仙郎去復歸
三署會應尋舊草
五時猶得賜新衣
官閒常似遊丹壑
賦罷多堪獻紫微
徒使昔年同宦侶
頻於清夜想音徽

家居贈別陳僉事約之

已甘蹤跡滯丘樊
蹇逐行麾思欲翻
才薄最宜明主棄
身貧獨感故交存
蒼苔掩徑誰相過
芳草懷人未敢言
知君王事方鞅掌
不記於陵長灌園

臨清十五夜柬陳太史約之

行人向月占消息
一望雲端百感并
南去關山猶未半
東升蟾兔已先盈
乘槎且傍魚龍宿
繞樹那堪鳥鵲驚
憶與仙郎當此夜
幾回聯珮侍承明

贈陳僉事約之生日

青春綉服儼神仙
早歲爲郎霄漢邊
問齒方知散騎

後論才已足洛陽前宮遷栢府多推望經絕韋編不
待年衰病無能真自棄慢將犬馬愧君先

崔鎮道中晚望懷陳約之

郊原極目思依依楚水連天楚樹微遠浦潮生人獨
往寒林風靜鳥雙歸泥塗自覺朋遊好日月偏催旅
髮稀念爾同為南竄客烟波何事更相違

贈別義興林尹遷官

移家本為採山薇茂宰風流更可依滿徑蓬蒿頻問
訊開尊竹石幾忘歸高才豈得淹黃綬野性惟甘卧
薜衣今日河梁送君後柴關車馬又應稀

次韻贈施道人

御氣曾聞老氏柔寄身偏愛水雲幽道書數卷只自
注生計一錢常不留賣藥人間應是謫挂瓢樹下復
何憂猶言妻子能相累自戴黃冠學遠遊

寄題顧東橋侍郎載酒亭

後世還聞有子雲為耽寂寞卧江濱門前即是尋山
路座上偏多載酒人祿位已非執戟賤文章真與太
玄鄰欲比侯芭應自笑不知何日望清塵

送樊醫歸南昌

山人自小愛遊方尚說懷歸意不忘別友因留隔歲

藥還家試解百金裝澄江盡處聞鄉語暮雪深時到
草堂願爾常如秋後鴈一年好是一來翔

贈張地官督賦江南
皇家財賦重江淮浮濟逾河歲歲來豈謂司農方告
匱故煩節使遠相催舳艫接水通千里齒革盈筐備
五材民力東南已如此因君一爲獻蘭臺

贈南都莫工部子良夏至齋宿署中

萬乘親郊幸北宮千官齋夜兩都同靈光正想泥封
上清夢遙依輦路通烟散玉爐知晝永星分銀燭坐
宵中聞君已就汾陰賦猶向周南嘆不逢

送彭府倅進賀

聖節表

曾叨執戟侍楓宸猶記呼嵩拜舞辰獻壽頻將金鏡
拂入班許覩玉顏真自憐拙疾辭

明主因卧丘園作外臣今日送君何所道祝堯長比
華封人

宜興舟中讀徐養齋詩稿因思奉別之久悵

然有懷二首

清溪南望五湖連竹樹陰陰兩岸間桃李孤村春欲
盡薰葭遠水思俱閒散帙曲中驚白雪卷帷天末見

青山故鄉共是投簪客猶恨高蹤不可攀
昨歲相逢冰雪深忽看春色獨驚心清風每憶人如
玉嘉句堪言字比金四壁荒廬拚自老連洲芳草共
誰吟思君坐惜年華暮明月扁舟試一尋
覽徐養齋見懷毛古菴及小子之作存沒感
懷和韻

早歲曾陪履杖遊遙思墓木已三秋美人去後空聞
笛芳草歸時獨倚樓世上玉顏還易老山中石髓杳
難求却慚司馬頻相許擬向清湖共釣舟
和徐養齋移居二首

何年挂却侍中冠新築山居一畝寬種黍聊為終歲
計移花應待早春看門依綠樹人稀到身謝紅塵夢
亦安更是謝家兄弟好長吟池草對江干

窈窕巖阿叢桂秋清谿一曲草堂幽荒園自向閒中
翦靈藥多從病裏收葉上題詩應滿樹沙邊載酒不
驚鷗莫道東山淹謝傅蒼生日夕待嘉謀

秋報題贈施心菊醫士

聞道仙翁昔種菊君今對菊獨凄神蕭條三徑猶含
露悵望深秋似有人肘後傳方多已試鼎中留藥不
嫌貧相從何日東籬下願乞餘香慰病身

贈江陰陳君

幽棲選地傍江濱高士風流宿所聞
身着薜衣稱隱吏園多橘樹比封君
琴尊不厭丘中賞魚鳥堪為物
外群惟爾眉間多道氣年來曾讀五千文

寄劉範東提學

不材因得返園廬窮巷猶存四壁餘
生計十年思種樹病身終歲強移書
山僧白社容相往長者高車日與踈
疇昔虛蒙國士待於今擣散更無如

題伯祖平樂守素齋翁像

國史已收循吏名蠻方猶憶使君清
祀留桐縣如朱

邑文諭南夷比蒞生

公有華夷湘江又見棠花發

公為從孫又守永州

灑浦還聞俎豆成清白傳家自

公始高明大燾豈為榮

和朱子學遷居

辛勤四十有此居生事蕭條只晏如
行李隨身一長鋏踈藤挂壁數椽廬
愧無厚祿堪助汝寔有高文能起予
獨惜楊雄名位薄世人誰識太玄書

程副使輓詩

同年舜敷之父

帝里風烟幾度逢此行復與仙郎同
傾城冠蓋通家後故國江山對酒中
老憶舊遊經畫省閒尋芳草到

禪宮亦知今日遊魂處多在清淮白露東
嘉靖丁酉秋余始見公於金陵公留余飲酒自言
少時爲太學生始遊金陵後官於郎曹居此者十
餘年自閒居以來常思雨花牛首之勝輒爲之慨
然已分此生且休矣今老且病誠不自意復能至
此每過舊遊處歷歷如昨日事乃知江山長在而
人命有極牛山之淚可復下乎語畢公掀髯而笑
余亦歡飲盡醉別去至冬而公卒蓋別公後纔四
月也嗟乎公而有知尚能復來金陵矣乎故予作
詩以哀公敘金陵事特詳云

元夕詠冰燈

正憐火樹鬪春妍忽見清輝映夜闌出海蛟珠猶帶
水滿堂羅袖欲生寒燭花不礙空中影暈氣疑從月
裏看爲語東風暫相借來宵還得盡餘歡

庚子歲海印寺再舉同年會紀事四首

此下係春

坊時作

伐木張新燕攀鱗憶往時重來散花處更是聚星期
玉佩皆鷓侶金河即鳳池獨憐丘壑質還復接芳儀
淨院早涼生佳賓四座傾花間重識面塔裏舊題名
對酒憐萍跡聞歌想鹿鳴十年還此會那得更無情

故遊經繡陌初地入松扉可那看花伴年年漸覺稀
一鐘收宿雨雙樹帶餘暉若問龍池劫誰能不醉歸
梵宮鄰帝苑長此集儒紳檻外諸天界尊前四海人
星霜別後鬢花月向來春且共攄籌策雲臺早致身
得薛君所寄三游紀興刺中有楊方洲見懷
之作蓋別去已十餘年矣撫卷慨然用韻
奉答

昔抗萬言疏還歸四壁居
詎才應共惜黯慙更無如
顧爾猶巖壑慚予濫石渠

聖明思直諫早晚下徵書

送黃翠巖赴松江推官任

君本儒家子新詩更出奇
自宜金馬署暫拜爽鳩司
海國收魚稻桑田賦繭絲
南州饒土物知爾一無私

送沈君守寧波

五馬去趨蹕孤城積水含
地收蚍蜉稅人與龍蛇參
夷貢珠頻入僊書穴可採
清貧君已慣海味不須甘

送陸舍人調遼府長史

十載紫薇郎長隨玉輦傍
忽辭漢天子去謁諸侯王
夢渚陪游獵蘭臺佐羽觴
子虛今在楚作賦有輝光

送王舍人往崑山爲顧相公營墓

明主敦耆老藏山借寵恩使臣出左掖秘器給東園
舊路吳中樹新碑海上原平津衆賓客試問幾人存

聞石屋彭君置生棺有感爲賦四詩

青山結淨因回首跡俱陳司馬四壁宅榮華百歲身
文犧幸知免行蟻待相親試料還真後誰爲倚戶人
隱几嗒然安疑君是鶻冠道書肘後繫人世鏡中看
家本無干槁生常卧一棺不因茲下淚任爾雍門彈
苦欲辭簪紱歸來掩故園無過六百石只對五千言
倚樹看蜩化逢人笑舌存老龍且莫去爲我發狂論
吾與爾皆夢相看一笑時拘拘亦何惡役役尚如斯

巖桂山中約桂槎海上期胡爲更羈縲有愧故人知

寺中訪後渠崔侍郎不遇次韻

爲訪高人館聯鑣出近坳並從金地入不見玉山形
榻尚留僊塵雲疑隔使星無人問竒字載酒只空亭

濟上別錢副使

木落村逾迥洲迴水更包亂泉春急峽短日漾寒郊
問俗非吾土逢君似舊交笑談方此始何事又相拋

點蒼山歌贈雪屏趙考功

點蒼山十九峰峰峰巧削玉芙蓉炎天赤日雪不融
峰頂湧出十九泉一峰一泉相縈纏流到峰前共一

川雪花亂落綠波裏疊島連洲鏡中起是為巨海名
西洱蒙舍當年控百蠻山水中間鑿兩關一夫守此
百不攀聖代垂裳九夷附此地千秋罷烽戍洱海行
人日夜渡剪除蓬藿疏街衢歌鍾綺衣盈路隅昔日
不毛今雄都山中雞犬散不取山下鳥蠻種禾黍况
乃儒風似鄒魯紛紛犀象走王庭惟石亦具山水形
盡輦中州作畫屏羨君結廬山之窟窻裏諸峰互出
沒夜夜讀書常映雪十年簪笏繫朝班位高官要身
不閒惟有清夢到故山余亦平生好奇者一說各山
心若洒何時與君共坐雪峰下更讀詩人賦

李中麓文選藏書歌

中麓子最好奇平生苦心只自知破塚將尋姬氏籍
鑿山欲出禹王碑鳥篆蚪文焚後宇白雲黃竹刪前
詩藏在陰厓及海窟神物守護誰得窺自從掇取歸
君屋但聞胡山鬼夜哭汗牛詎止盈五車插駕應知
滿萬軸開函几席生雲烟五色紛紛耀人目家中綾
綺割截盡更剪朝衣作裝束中麓子幾歲讀書長閑
門自信中郎能一目還輕左氏識三墳邇來下筆作
詞賦絕似先年石鼓文却憶射策來京國此時才士
紛如雲雕龍白馬爭先後一日逢君皆閉口試問

鼠君已知解對黃鸞誰更有共看飛騰邁等倫早排
閭闔上麒麟遂令紈袴生嘆息公卿元是讀書人老
大無聞予自憐論交多愧十年前可道壯心猶未已
時復從君乞一編

詹府讜集奉和上宰松臯公三首

祥光虹渚應玄蒼喜溢仙曹薦羽觴七鬯萬年徵子
聖股肱一德見臣良袖携香霧東華上履曳星辰北
斗旁共說疑丞歸大老競將禮樂贊靈昌
御苑先春萬木蒼官雲裊裊度瓊觴鴈班並引金貂
貴鴻羽全收玉署良分日傳經清禁裏罷朝起草紫

宸旁恩波忝竊安能報願祝千秋寶曆昌

玉津晴望鬱蒼蒼環珮初臨試紫觴並向鳳池開勝
會早從麟角識元良衣冠迥出商巖上雨露偏承幼
海旁自愧承華箴未就謬將彤管奉明昌

送王翰林浙江兵備副使

同時詞客不如君一劍還將靜海濱雞舌舊從香署
吏虎符新領伏波軍帆檣萬里輸鮫織樓閣三秋吐
蜃雲自笑馮郎將白首欲從幕下策奇勳

送鄒東郭掌南院

最憐江左風流地斲作周南太史公通籍總稱鸞掖

吏分曹獨向鳳臺東香携漢署沾新綬花近秦淮瞰
故宮此去談經門下客幾人相對坐春風

贈吳山人歸自京師

山人不解機心事早歲藏珍學鹿門住傍巖崖惟四
壁賦成金石幾千言偶遊卿相多懸榻歸去蓬蒿正
滿園京洛豈無知己在君終是厭煩喧

贈許太宰

卿家勲貴似諸袁兩世三登八座尊接席貂蟬開甲
第成陰桃李在公門身延白屋頻推哺官借青宮獨
拜恩

天子行將問黃髮老臣何以贊嘉言

宿雙塔寺林東城羅念菴誤於郭外相尋不

遇有作見寄用韻奉答

謾向金門學隱淪獨遊花院散涼氛諸天只在人間
世並馬誰尋野外雲白日金輪臨戶映香街笙管隔
墻分化城本是迷來路莫訝幽人好避群

次韻贈湯將軍

將軍故中山侯之孫也

將軍妙筭古人同料敵常如在目中鍊騎連營寒映
月樓船跨海夜乘風玉門烽火今猶急桂嶺珠璣久
未通却笑封侯應有種看君百戰立奇功

木蘭味美佳製熟育蘇膏

貝對強壯形效乘風正門

將軍效異古人同轉補宗

火贈觀形

謝令外知本具光來益莫指幽人

此並黑結尋釋校雲白日金鋪

歸向金門學難論

商舞及十林車

天子任



